

ՀԱՅՀՈՅՈՂՆԵՐՈՒ ՄԱՍԻՆ

Ան որ ֆրիստոնեան կ'անարգէ, գԱստուած կ'անարգէ, եւ ով որ ֆրիստոնեային հայիոյէ, Քրիստոսի հայիոյս յաճ կ'ըլլայ, որ ըսաւ. «Մնացէ՛ք մէջս եւ ես ձեր մէջ: Ան, որ ուտէ մարմինս եւ խմէ արիւնս, ան մէջս պիտի բնակի եւ ես իր մէջ» (Յովհ. 6. 57): Պօղոս առաքեալ եւս կ'ըսէ. «Քրիստոնեաները մարմինն են Քրիստոսի, անդամներ՝ անոր անդամներէն: Աստուծոյ տաճար են ֆրիստոնեաները եւ Աստուծոյ Հոգին կը բնակի անոնց մէջ» (Ա. Կորթ. 12.27):

Քրիստոս Աստուած իր անունը դրած է ֆրիստոնեաներուն վրայ եւ Քրիստոս ու ֆրիստոնեաները մէկ են: Ան, որ անարգէ ֆրիստոնեային բերանը, անարգած կ'ըլլայ Աստուծոյ անունը, զոր բերանով կ'օրհնեն եւ նոյն բերանով հաղորդութիւն կ'առնեն: Ան, որ հաւատքը անարգէ, - հաւատքը Աստուած է եւ մկրտութեան օրը կը հաւատանք Հօր, Որդիին եւ Ս. Հոգիին -, հաւատքին հայիոյելով գԱստուած անարգած կ'ըլլայ: Ան, որ նախատէ մեռելին գերեզմանը, նախատած կ'ըլլայ Խաչը, Աւետարանը, Հաղորդութիւնը եւ Քրիստոսի գերեզմանը, որովհետեւ ֆրիստոնեան Խաչով, Աւետարանով կը թաղուի՝ բերանին մէջ ունենալով Ս. հաղորդութիւն, որ Քրիստոսն է, իսկ մարմինն ու ոսկորները կնքուած կ'ըլլան միւտոնով, որ դարձեալ Քրիստոսն է:

Արդ, յայտնի եղաւ, որ յիշոց ընողը Աստուծոյ հայիոյիչ է. հետեւաբար պէտք է ֆրիստոնեայ կոչել զայն միւնչեւ, որ դառնայ չար սովորութենէն եւ պահով, աղօթով փաւէ իր մեղքերը եւ Քրիստոսի շնորհով արդարանայ:

Յովնան Մանդակունի

ՅԱՅՏԱՐԱՐՈՒԹԻՒՆ

ԵՐԵՔՇԱԲԹԻ ԳԻՇԵՐՈՒՄՆ
ՍՈՒՐԲ ՊԱՏԱՐԱԳ

կազմակերպութեամբ Կրօնական Ժողովին եւ Ազգային Առաջնորդարանի Երիտասարդական Յանձնախումբին, Երեքշաբթի, 30 Ապրիլ 2019-էն սկսեալ եւ ամէն Երեքշաբթի գիշեր, ժամը 7:00-8:00, Պուրճ Համուտի Ս. Վարդանանց Եկեղեցոյ մէջ պիտի մատուցուի սուրբ պատարագ:

Սուրբ պատարագը պիտի երգէ հաւատացեալ ժողովուրդը: Սուրբ պատարագի ընթացքին, հոգեւոր խորհրդածութիւն պիտի կատարէ Լիբանանի Հայոց Առաջնորդ՝ Գերշ. Տ. Նարեկ Արքեպիսկոպոս: Այս սուրբ պատարագին նպատակն է առիթ տալ մեր այն հայորդիներուն, որոնք Կիրակիի կողքին, շաբթուան ընթացքին եւս կը փափաքին Հայ Եկեղեցոյ հոգեւոր սնունդը ստանալ: Կը հրաւիրենք մեր ժողովուրդի զաւակները իրենց ամենօրեայ հեւքին մէջ պահ մը կանգ առնելու եւ աղօթքով Աստուծոյ ու իրարու հետ ըլլալու:

Սիրելի ընթերցող, ճՐԱԳ թերթը ամէն Կիրակի կը բաժնուի մեր ժողովուրդին, եկեղեցիներու բանկային մօտ: Նաեւ՝ Facebook-ի վրայ փնտռել «Jerak կամ ՃՐԱԳ», ապա սեղմել «Like»ը, կարդալու կամ անդամագրուելու համար:

ՀԱՍՑԷ.

ՃՐԱԳ ԸՐԱԲԹԱԹԵՐԹ - ԱԶԳԱՅԻՆ ԱՌԱՋՆՈՐԴԱՐԱՆ ԼԻԲԱՆԱՆԻ - Bourj-Hammoud, P.O.Box 80810 - Tel/Fax:01-258300 - facebook-ի էջ jerak Ծրագր թերթ



ԸՈՒ ԽՕՍԸԴ ԽՍ ՈՅԹԵՐՈՒՄ ՃՐԱԳ Է ՈՒ ԽՍ ՇԱԽՂՆԵՐՈՒՄ ԼՈՅՍ (Ս. 119-105)

ԺԲ. ՏԱՐԻ

ԿԻՐԱԿԻ, 12 ՄԱՅԻՍ 2019

ԹԻՒ 19

ԿԻՐԱԿԻ ՕՐԵՐՈՒ ԱՍՏՈՒԱԾԱՇՆՉԱԿԱՆ ԸՆԹԵՐՅՈՒՄՆԵՐ
Գրծ. 13.16-43: Ա.Պտ. 5.1-14
ՅԻՍՈՒՄ ԸՐԻՍՏՈՍԻ ԱԲԵՏԱՐԱՆԸ ԸՍՏ ՅՈՎՀԱՆՆՈՒ 5.19-30:

ԿԱՐՄԻՐ ԿԻՐԱԿԻ

Յիսուս անոնց ըսաւ. «Հաստատ գիտցէ՛ք, թէ մարդու Որդին ինքն իրմէ ոչինչ կը կատարէ, այլ՝ կը կատարէ միայն այն, ինչ որ կը տեսնէ թէ Հայրը կը կատարէ: Որովհետեւ, ինչ որ Հայրը կը գործէ, Որդին ալ նոյնը կը գործէ: Հայրը կը սիրէ Որդին եւ անոր ցոյց կու տայ, ինչ որ ինք կը կատարէ: Տակաւին ձեր տեսածներէն աւելի սքանչելի գործեր ալ ցոյց պիտի տայ Որդիին, այնպէս որ դուք պիտի զարմանաք: Ինչպէս որ Հայրը մեռելները կը յարուցանէ եւ կեանք կու տայ անոնց, նոյնպէս ալ Որդին կեանք կու տայ անոնց, որոնց ինք կ'ուզէ: Եւ Հայրը ռեւէ մէկը չի դատեր, այլ՝ դատելու իշխանութիւնը ամբողջութեամբ յանձնած է իր Որդիին, որպէսզի բոլորն ալ պատուեն Որդին, ինչպէս որ Հայրը կը պատուեն: Ան, որ չի պատուեր Որդին, չի պատուեր Հայրը, որ զայն դրկած է:

Հաստատ գիտցէ՛ք, ան որ իմ խօսքերս կը լսէ եւ կը հաւատայ անոր, որ զիս դրկեց, յաւիտենական կեանք ունի եւ պիտի չդատապարտուի, որովհետեւ արդէն իսկ մահէն կեանքի անցած է: Վստահ եղէ՛ք, ժամանակ կու գայ - եւ արդէն իսկ եկած է - երբ մեռելները Աստուծոյ Որդիին ձայնը պիտի լսեն եւ լսողները պիտի ապրին: Որովհետեւ, ինչպէս որ Հայրը կեանք պարգեւելու զօրութիւնը ունի իր մէջ, այդ զօրութիւնը տուած է նաեւ Որդիին: Նոյնպէս ալ դատելու իշխանութիւնը տուաւ Որդիին, որովհետեւ անիկա մարդու Որդին է: Ուրեմն մի՛ զարմանաք որ ըսի, թէ ահա կու գայ ժամանակը, երբ բոլոր անոնք որոնք գերեզմաններու մէջ են՝ պիտի լսեն անոր ձայնը եւ դուրս գան: Անոնք, որ բարիք գործած են՝ յարութիւն պիտի առնեն եւ ապրին, իսկ անոնք որ չարիք գործած են՝ յարութիւն պիտի առնեն եւ դատապարտուին: Ես ինձմէ չէ, որ կը դատեմ, այլ՝ կը դատեմ այնպէս ինչպէս Հօրմէս կը լսեմ եւ ուրեմն իմ դատաստանս արդար է, որովհետեւ կը գործադրեմ ո՛չ թէ կամքս, այլ՝ կամքը անոր, որ զիս դրկեց»:

ԱՌԱՔԵԱԼՆԵՐՈՒ ԳՈՐԾԵՐԸ

13.16-43

Պօղոս ոտքի ելաւ, ձեռքով նշան քրաւ որպէսզի լռեն, եւ ըսաւ. «Ո՛վ իսրայէլացիներ եւ աստուածավախ մարդիկ, մտիկ ըրէ՛ք: Այս ժողովուրդին՝ Իսրայէլի Աստուածը ընտրեց մեր հայրերը, բազմացուց մեր ժողովուրդը, որ Եգիպտոսի մէջ որպէս պանդուխտ կ'ապրէր, եւ իր մեծ գօրութեամբ զանոնք հոնկէ հանեց: Ծուրջ քառասուն տարի անապատին մէջ կերակրեց զանոնք: Ապա Քանաան երկրի բնակիչ եօթը ազգերը պարտութեան մատնելով, անոնց ինչֆերը մեր ժողովուրդին տուաւ որպէս ժառանգութիւն: Այս բոլորը եղան մօտաւորապէս չորս հարիւր յիսուն տարիներու ընթացքին: Այնուհետեւ դատաւորներ տուաւ անոնց, մինչեւ Սամէլ մարգարէի ժամանակ, երբ մեր ժողովուրդը թագաւոր ուզեց, եւ Աստուած թագաւոր կարգեց Սաուլը, Կիսի որդին որ Բենիամինի ցեղէն էր, քառասուն տարուան համար: Սաուլդէն ետք անոնց վրայ թագաւոր կարգեց Դաւիթը, որուն մասին նաեւ վկայեց, ըսելով. «Դաւիթը, Յեսսէի որդին, սրտիս խօսող անձն է, որ ամբողջութեամբ իմ կամքս պիտի կատարէ»: Անոր սերունդէն էր, որ Աստուած Իսրայէլի տուաւ իր խոստացած Փրկիչը՝ Յիսուսը: Բայց նախֆան անոր հրապարակ գալը, Յովհաննէս Իսրայէլի ամբողջ ժողովուրդին կը ֆարոզէր, որ ապաշխարեն եւ մկրտուին: Եւ իր պաշտօնը լրացնելու ժամանակ, Յովհաննէս ըսաւ. «Ո՛վ կը կարծէք զիս: Ես ձեր սպասած անձը չեմ: Ահա ինձմէ վերջ կու գայ անիկա, որուն կօշիկները հանելու իսկ արժանի չեմ ես»:

ՊԵՏՐՈՍ ԱՌԱՔԵԱԼԻ ԸՆԴՀԱՆՐԱԿԱՆ
ԱՌԱՋԻՆ ՆԱՄԱԿԸ

5.1-14

Երէցնե՛ր, որպէս երիցակից մը որ ձեզի պէս վկայ եմ Քրիստոսի չարչարանքներուն եւ ձեզի հետ ալ մասնակից պիտի ըլլամ գալիք փառքին, որ պիտի յայտնուի, կ'աղաչեմ ձեզի: Ձեզի վստահուած Աստուծոյ հօտը արածեցէ՛ք ոչ թէ իբր պարտադրանք կատարելով վերակացութեան ձեր պաշտօնը, այլ՝ կամաւորաբար, ինչպէս Աստուած կ'ուզէ: Ո՛չ թէ դրամի սիրոյն, այլ՝ յօժարութեամբ: Ո՛չ թէ ձեզի վստահուած մարդոց ձեր անձերը պարտադրելով, այլ՝ օրինակ ըլլալով ձեր հօտին. որպէսզի երբ Հովուպետր յայտնուի՝ անթառամ փառքի պսակը ընդունիք:

Նոյնպէս ալ դուք, երիտասարդներ, հնազանդ եղէ՛ք ձերերուն: Բոլորդ ալ խոնարհաբար ծառայեցէ՛ք իրարու, որովհետեւ ինչպէս Առակաց Գիրքը կ'ըսէ. «Աստուած հակառակ է ամբարտաւաններուն, մինչ խոնարհներուն շնորհք կու տայ»:

Հետեւաբար Աստուծոյ հօր ձեռքին տակ խոնարհեցէ՛ք, որպէսզի երբ յարմար ժամանակը գայ՝ ձեզ բարձրացնէ: Ձեր բոլոր հոգերը Աստուծոյ ձգեցէ՛ք, որովհետեւ ի՛նքը կը հոգայ ձեր մասին:

**ՀԱՐՈՒՆԱԿԵԼ
ԸՆԹԵՐՑԱՆՈՒԹԻՒՆԸ
ԱՍՏՈՒՄԾԱՀՈՒՆՉԷՆ: ՄԻՇՏ
ԱՍՏՈՒՄԾԱՀՈՒՆՉ ԿԱՐՂԱՆՔ:**

ՍՈՒՐԲԵՐ ԵՒ ՏՕՆԵՐ

ԿԱՐՄԻՐ ԿԻՐԱԿԻ

Զատիկի երրորդ Կիրակին կը կոչուի Կարմիր Կիրակի: Կարմիր կոչումը բացատրող եկեղեցական որեւէ արարողութիւն գոյուցելու չունի: Կարմիր կոչումը կը մնայ անբացատրելի, սակայն հաւանաբար դարձեալ բնութեան հետ կապ ունի: Կանաչ եւ Կարմիր Կիրակիներու սովորութիւնն էր եկեղեցւոյ մէջ կանաչ եւ կարմիր գոյներու գործածութիւնը: Եկեղեցւոյ վարագոյրը, պատարագիչի զգեստը, դպիրներու շապիկները, Կիրակի օրուան համաձայն, կանաչ կամ կարմիր կ'ըլլային: Ժամանակին սովորութիւն էր նաեւ գաւառներուն եւ գիւղերուն մէջ կանաչ կամ կարմիր հագուելը:

Ոմանք Կարմիր Կիրակին նուիրած կը համարեն Յիսուսի եօթներորդ անգամ աշակերտներու երեւնալուն՝ Տիրերական ծովի ափին, Պետրոսի ուրացումին եւ քաւութիւն ստանալուն, համաձայն Յիսուսի երեք հարցումներուն. «Սիմոն Յովհաննու, կը սիրե՞ս զիս»: Կարմիր Կիրակին մէջ ալլաբանական բացատրութիւն, նմանութիւն գտնելն ու որոշելը դիւրին է անշուշտ: Քրիստոսի արիւնով ծաղկած Կիրակի, Քրիստոսի արիւնով հաստատուած եկեղեցի:

Հայ եկեղեցւոյ սօները

Բայց այս ձեւով, կանաչ ու կարմիր կոչումի քրիստոնէական ալլաբանական բացատրութիւնը միայն կրնանք ունենալ, առանց հասկնալու իսկական իմաստը, ազգային աւանդութիւնը:

Հեւեւաբար, Կարմիր Կիրակի օրը, Կանաչ Կիրակի օրուան ժողովրդական սովորութիւն կը տիրէ. երթալ բացօթեայ վայրեր, նոր ծաղկած բնութեան ծոցը ըլլալ:

Ս. ԳՐԻԳՈՐ ՆԱՐԵԿԱՑԻԷՆ

Ու հիմա, այսֆան յուսահատութիւններէ եւ ահարկու սրտաբեկութիւններէ, աստուծային բարկութեան պակուցիչ սաստկութիւններէ ետքը, թախծութեամբ ի սպառ տագնապած, կ'աղաչեմ քեզի, սուրբ Աստուածածին: Հրեշտակ՝ մարդոցմէ, մարմնատեսիլ ֆերովքէ, երկնաւոր թագուհի, անխառն՝ ինչպէս օդը, մաքուր՝ ինչպէս լոյսը, անշաղախ՝ ինչպէս բարձրացած արեւուն պատկերը, գերազանց ֆան անկոխելի Սրբութիւն Սրբութեանց: Ընդունէ՛ դաւանողիս այս մաղթանքն ու աղերսը, ու ասոր հետ միացնելով իմ նախկին ներքողիս խօսքերը, խոնկէ՛ քու պաղատանքներուդ: Հիւսէ՛, միացո՛ւր իմ մեղաւորի դառն մեծութիւնները քու երջանիկ ու խնկաւորուած հայցուածներուդ, ով տունկ կեանքի օրինուած պտուղին. որպէսզի քեզմէ միշտ օգնուած եւ բարեգործուած, քու մաքրական ձեւութեանդ ապաւինած եւ անով լուսաւորուած, ապրիմ քու Տիրոջդ եւ Զաւկիդ՝ Քրիստոսի համար: